



**basic education**

Department:  
Basic Education  
REPUBLIC OF SOUTH AFRICA

**LUHLOLO LWEMNYAKA LWAVELONKHE 2012**

**LIBANGA 2**

**SISWATI LULWIMI LWASEKHAYA**

**ISETHI 2 SIBONELO**

## **TINKHOMBANDLELA TEKUSETJENTISWA KWETIBONELO TELUHLOLO LWAVELONKHE LWEMNYAKA (ANA)**

### **1. Sibutsetelo lesivamile**

Luhlolo Lwavelonkhe Lwemnyaka (ANA) luhlolo lwelwati nemakhono lekulindzeleke kwekutsi atfutukiswe kubafundzi ekupheleni kwemnyaka emabangeni 1- 6 kanye nelibanga 9. Kusekela luhlolo lwabo lolugcile etikolweni nekucinisekisa kwekutsi bafundzi batfola kutetsemba lokudzingekako kute bahlanganyele ngemphumelelo kuluhlolo lolusuka ngaphandle, litsimba labothishela kanye nabochwepheshe betifundvo bahlangene kute bahlanganise sibonelo semibuto yesivivinyo lesitawusetjentiswa ngubothishela kutifundvo tabo teLulwimi kanye neteTibalo. Sibonelo semibuto yesivivinyo leniketiwe, isuselwe emsebentini wekharikhulamu lofaka ekhatsi umsebenti wemaThemu 1, 2 kanye na 3 wemnyaka wesikolo kanye nesifanekiso sesivivinyo lesiphelele seLuhlolo Lwavelonkhe Lwemnyaka (ANA) welibanga ngalinye. Letibonelo, letifaka ekhatsi sifaniso sesivivinyo seLuhlolo Lwavelonkhe Lwemnyaka (ANA), tichibela luhlolo loluchubekako lolugcile etikolweni lokumele kwekutsi bafundzi bandlule kulo, letibonelo atiyitsatsi indzawo yeluhlolo loluchubekako.

### **2. Kwakheka kwetibonelo temibuto**

Letibonelo ticondzise kubonisa emasu netindlela letehlukene tekuhlola emakhono kanye/nobe nelwati. Uma ngabe lolunye lwati lwalokucuketfwe nobe likhono kungahlolwa ngekusebentisa umbuto locuketse timphendvulo letinyenti (lapho umfundzi kumele akhetse imphendvulo lekunguyona mbamba kuleto letiniketiwe) nobe sitatimende (lesidzinga kwekutsi bafundzi babhale imphendvulo kuphela kumbe indzima) nobe letinye tinhlobo temibuto (ledzinga bafundzi kwekutsi bahlanganise emagama / litatimende ngemigca, kute bacedzise imisho leniketiwe nobe emaphethini, kukhombisa timphendvulo tabo ngemidvwebo nangemifanekiso, njll.). Ngakoke, uma bothishela nebafundzi batfola linani letibonelo temibuto leyakheke ngalokwehlukile kepha ibuta intfo yinye, kumele bavisise kwekutsi loko kwentiwe ngemabomu futsi bafundzi kumele bayiphendvule yokhe lemibuto yetibonelo. Kuveta ebaleni ngalokubanti tinhlobonhlobo temasu netindlela tekubuta, kuniketa bafundzi kutetsemba lokudzingekako kute babukane netivivinyo

### **3. Kuhlanganiswa naletinye tinsita tekufundza nekufundzisa**

Kute kube nekuchumana lokubalulekile, lamanye ematheksthi aletibonelo kanye nemibuto iye yahlanganiswa ngabomu neyeTincwadzi Temisebenti (Workbooks) lehambisana kahle nelizinga lalelo banga. Letibonelo tiphindze tihambisane tidzingo teSitatimende seKharikhulamu Savelonkhe (NCS) yemabanga R-12, lokutfolakala kuSitatimende Senchubomgomo yeKharikhulamu Nekuhlola (CAPS) yemabanga akhona lafanele kanye ne National Protocol for Assessment. Yonkhe lemibhalo, seyihlangene naleminyane letfolakala esikolweni, yakha sisekelo lesinotsile setinsita lesilekelela bothishela ekuhleleni tifundvo nasekuchubeni luhlolo loluhlelekile (kuhlolwa kwekufundza).

### **4. Tingasetjentiswa njani letibonelo**

Nanobe letibonelo telibanga kanye nesifundvo kubutselwe ndzawonye kwaba yisethi yinye leyimbumba lephelelisiwe, akukadzingeki kwekutsi thishela anikete bafundzi lomsebenti kutsi bawente sikhatsi ngasinye. Kumele thishela akhetse tibonelo temibuto lecondzene naloko lakuhlelele esifundvweni sakhe ngalesikhatsi lesiniketiwe. Umbuto munye nobe linani leliphathsekako lemibuto yesivivinyo yesibonelo lekhetfwe nobe yatonyulwa ngekucaphelisisa, ingasetjentiswa etigabeni letahlukene tekuchubekisa kufundza nekufundzisa ngalendlela :-

- 4.1 Ekucaleni kwesifundvo njengesivivinyo seluhlololucwaningo kutfola emandla nebutsakatsaka lobukhona kumfundzi. Loluhlololuncaningo kumele uholele ekuniketeni satiso ngekushesha kubafundzi nasekusunguleni tifundvo letilungele kubasita kulobutsakatsaka losebubonakele bese

kubacinisa emandla. Lesivivinyo semhlahlo singaniketwa bafundzi njengemsebenti wasekhaya kute kongeke sikhatsi seticondziso ekilasini.

- 4.2 Ngalesikhatsi kufundvwa njenge tivivinyo letichubekako tekuhlola kwekutsi bafundzi bayatfufuka elwatini lolumiselwe kanye nemakhono njengoba sifundvo sichubeka kute kube nesiciniseko sekutsi akekho umfundzi losalela emuva.
- 4.3 Emaphetselweni esifundvo nobe luhla lwetifundvo njengesivivinyo sekuphela kwethemu kuhlola kwekutsi bafundzi batfole kucondza lokwenele futsi bangasebentisa lolwati nemakhono labawafolile esifundvweni nobe etifundvweni lesebaticedzile. Lesatiso lesiya kubafundzi kumele siniketwe ngekushesha ngalesikhatsi thishela asancuma kwekutsi ingabe kukhona yini kulesifundvo nobe tifundvo lapho kumele abuyele emuva khona kucinisa lwati nemakhono latsile.
- 4.4 Kuto tonkhe tigaba kuveta tindlela letahlukene tekuhlola nekubuta kubafundzi, sib. kuphendvula imibuto lenetimphehndvulo letinyenti letiniketive (MC), imibuto levulekile ledzinga timphendvulo letahlukene (OE) nobe imibuto ledzinga nobe nguyiphi imphehndvulo (FR), imibuto ledzinga timphendvulo letimfisha (SA), njll.

Nanobe sivivinyo seluhlololucwaningo nalesichubekako singaba sifisha ngekwelinani lemibuto lefakiwe, sivivinyo sekuphela kwethemu sitawufaka imibuto leminyenti kute kwakheke sivivinyo lesiphelele ngekuya kwemsebenti losewentiwe ngalesosikhatsi. Intfo lebalulekile kuba nesiciniseko sekutsi ekugcineni bafundzi batfola litfuba lelanelo lekutilungiselela ngekuphendvula tivivinyo letigcwele teluhlobo lwe sifanekiso seLuhlolo LwaVelonkhe Lwemnyaka (ANA).

## **5. Imemorandamu nobe tinkhombandlela tekumakha**

Luhlobo lwesibonelo sekuphendvula lesilindzelekile (tinkhombandlela tekumakha) siniketive kuleyo naleyo mibuto yesibonelo sesivivinyo yaphindze futsi yaniketwa kusifanekiso sesivivinyo seLuhlolo LwaVelonkhe Lwemnyaka (ANA). Kumele bothishela bakubeke etingcondvweni tabo kwekutsi angeke kwenteke kwekutsi imemorandamu ipheleliswe. Imemorandamu iniketa kuphela imitsetfo lebanti yetinhlobo tetimphehndvulo letilindzelekile kantsi nabothishela kumele batibute ngalokujulile bese baniketa umvuzo kuloko lokukhetsiwe netingcuko tetimphehndvulo letiniketive letemukelekako letivela kubafundzi.

## **6. Lokucukethwe yekharikhulamu**

Kubaluleke ngalokwedulele kwekutsi ikharikhulamu yentiwe yonkhe ngalokugcwele kulelo nalelo likilasi. Tibonelo telibanga ngalinye kanye nesifundvo akukameli ikharikhulamu yonkhe. Tiyisampula nje yelwati nemakhono lasemcoka futsi emsebenti lowetiwe ngemathemu 1, 2, na 3 emnyaka wesikolo. Kuhleleka kwemsebenti lokumele wentiwe lophelele kumathemu esikolo ukhonjisiwe kahle emiculwini yeCAPS.


## **7. Siphetfo**

Inhloso yeLitiko kutfutukisa emazinga nekhwalithi yekusebenta kwemfundzi kuhlolisisa emakhono lasisekelo sekufundza nekubhala kanye nekubala. Luhlobo Lwemnyaka LwaVelonkhe ngulelinye lithulusi lelisetjentiswa liLitiko kulandzela nekutfolela kwekutsi kusebenta kwebafundzi kukhombisa kutfutuko, kuma ndzawonye nobe kukhombisa kwehla. Tigodzi netikolo tilindzeleke kwekutsi tisekele bothishela tibuye tibanikete netinsita letidzingekekako kutfutukisa kufundza nekufundzisa lokuyimphumelelo etikolweni. Ngekusebentisa tibonelo te ANA njengencenye yetinsita tabo tekufundzisa, bothishela batawulekelela bafundzi ekutseni batetayeletindlela nemasu lahlukene lasetjentiswako nakuhlolwa. Ngekusetjentiswa kahle kwetibonelo kutawukwenta kwekutsi bafundzi basitakale ekutfoleli lwati lolufanele futsi batfutukise emakhono langiwo ekufundza ngemphumelelo babuye basebente kancono kutivivinyo te-ANA letitawulandzela.

## Fundza lenzaba bese uphendvula imibuto

NgaLesine londlulile bekulilanga lemidlalo esikolweni saSihle. Sihle ufundza libanga lesitsatfu esikolweni iPhaphamani eklasini lamake Sibeko. Ngalelolanga eklasini labo abazange bafundze lutfo ngisho nekubhala imbala. Badlala lilanga lonkhe imidlalo lefaka ekhatsi kugijima emabanga lahlukene, kuzuba intsambo lesetulu naphasi, imidlalo ledlalwa ngebhola leyehlukene kanye naleminyane.

Sihle yena umdlalo lawentako naladvume ngawo yithenisi. Lona ngumdlalo lodlalwa bantfu lababili. Bashaya ibhola ngerakhetshi baphoselane, akufuneki ibhola iwe phasi. Kumele umdlali agijime impela kute ingawi ngakuye. Sihle waphumelela nangalelolanga. Watfola imedali yegolide ngobe wehlula bonkhe labekadlala nabo.



**1.1 Khetsa bese udvwebela imphendvulo lengiyo.**

Sihle ufundza esikolweni i ...

- A Tfutfukani
- B Phaphamani
- C Likhweti
- D Thandulwazi

**1.2 Catsanisa Sihle nemdlalo lawudlalako.**

Sihle udlala...

- A ibhola yetinyawo.
- B ikhilikithi.
- C kugij ima.
- D ithenisi.

**1.3 Cedzela lomusho lolandzelako.**

Sihle watfola imedali ye ...

**1.4 Khetsa bese udvwebela imphendvulo lengiyo.**

Sihle ufundza eklasini lamake ( Soko, Sibiya, Sibeko, Sonto )

1.5 **Faka tinombolo 1 - 4 ngekulandzelana kwetigameko tendzaba**

NgaLesine bekulilanga lemidlalo esikolweni saSihle.	
Badlala lilanga lonkhe.	
Sihle wabehlula bonkhe.	
Ngalelolanga abazange bafundze eklasini.	

2.1 **Khetsa bese udvwebela imphendvulo lengiyo**

Sihle wa t fola ... (umklomelo, imedali, imali, indzebe).

2.2 **Phendvula umbuto**

Yini lebangazange bayente eklasini laSihle ngelilanga lemidlalo

2.3 **Dvweba indilinga eluhlavini lolunemphephendvulo lengiyo?**

Umdlalo wethenisi udlalwa badlali ...

A lababili.

B labane.

C labatsatfu.

D labalishumi nakunye

2.4 **Chaza kwekutsi kungani bafundzi bangazange bafundze**

ngalelolanga.

3.1 **Khetsa imphendvulo lengiyo bese ufaka luphawu X ebhokisini**

Sihle wat fola imedali ye ...

A	siliva
B	thusi
C	plathinamu
D	golide

3.2 **Cedzela lomusho lolandzelako**

Sihle ufundza libanga ...

3.3 **Combela kwekutsi Sihle wativa anjani emva kwekutitfolela imedali.**

3.4 Ngabe batali baSihle bativa banjani nabeva kwekutsi Sihle uphumelele emdlalweni wethenisi?

**Khetsa imphendvulo ufake luphawu X**

A	batfukutsela kakhulu
B	bakhala kakhulu
C	baj abula kakhulu
D	batithulela nj e

**3.5 Dvweba indilinga eluhlavini lolunemphendvulo lengiyo**

Lilanga lemidlalo beli...

- A ngeMgcibelo
- B ngaLesine
- C ngeLisontfo
- D ngaLesihlanu

**4.1 Phindza ubhale lomusho ufake bofeleba endzaweni lefanele.**

sihle ufundza ephaphamani eklasini lamake sibeko.

**4.2 Gcwalisa luphawu lwekufundza lolungekho.**

Belunini lusuku lwemidlalo ePhaphamani

**4.3 Bhala kahle lemisho usebentise timphawu tekubhala  
letilandzelako:**

**. na ?**

4.3.1 Sihle ufundza kuphi

4.3.2 Sihle waphumelela ngalelo langa



4.4 **Faka timphawu tekubhala letidzinge kako kulemisho lelandzelako.**

- (a) Bafundzi basephaphamani batawudlala ibhola ithubeni ikhilikithi bagij ime babuye bazube
- (b) Kwentekani esikolweni saSihle namuhla
- (c) Sihle waj abula wamemeta watsi hhule

4.5 **Faka luphawu X emshweni lobhaleke kahle.**

I bhola ishaywa ngerakhethe emdlalweni wethenisi!	
ibhola ishaywa ngerakhethe emdlalweni wethenisi	
I bhola ishaywa ngerakhethe emdlalweni wethenisi?	
I bhola ishaywa ngerakhethe emdlalweni wethenisi.	

5.1 **Bhala letinhlavu temagama ngabo feleba.**

k g z y d f t l n

5.2 **Tsatsela indzima yenkondlo lebhale ebhodini.**

5.3 **Phindza ubhale lomusho ushiye kahle tikhala.**

Bafundzibaj abulilengobebat awudlalilangalonkhenamuhla.

5.4 **Bhala simemo umeme bangani bakho kutsi bete emcimbini wakho.**

5.5 **Tsatsela indzatjana lebhalwe ebhodini.**

6.1 **Khetsa umusho lobhaleke kahle**

Bebadlala bafundzi kusasa.	A
Bafundzi bayadlala namuhla.	B
Batawudlala bafundzi itolo.	C
Kusasa besebadlala bafundzi.	D

6.2 **Khetsa ligama leliyimphendvulo kute ucedzele umusho**

Evikini leledlulile bafundzi ... (bayadlala, batawudlala, bebadlala) ibhola.

6.3 **Phindza ubhale lomusho ube sesikhatsini lesedlulile.**

Sihle utfole imedali yegolide.

6.4 Emnyakeni lodlulile Sihle (fundza) libanga lesibili.

6.5 **Dvweba indilinga emphendvulweni lengiyo emshweni lolandzelako.**

Sihle ( udlala, badlala, batawudlala, badlalile ) ithubeni.

7.1 **Khetsa ubuye ufake indilinga egameni lelipeleke kahle.**

Sihle uyi (tfombatane, ntjombatane, ntfombatane,

nfombatane)

**7.2 Dvwebela ligama lelipeleke kahle emshweni.**

Akuyiwa esikolweni nge ... ( Mgcibelo, Mgibelo, Mgcibelo, Mcibelo )

**7.3 Faka luphawu X ebhokisini leligameni lelipeleke kahle.**

banfwana	
batfwana	
bantfwana	
bantwana	

**7.4 Lalela upele kahle emagama lobitelwa wona nguthishela**

**8. Bhala indzima lenemisho lesihlanu usebentise luhlaka loniketwe lona.**

**9. Fundza lesikhangisi bese uphendvula imibuto lelandzelako.**

<b>KaMazitapele!</b>		
<b>Indali lenkhulu!</b>		
<b>Tinsita tekufundza tishiphiwe</b>		
<b>Buya utibonele! Mhlaka 1 – 31 Bhimbhidvwane</b>		
<b>Emabhuku</b>	<b>Emakhilayoni</b>	<b>Emarula</b>
<b>R5.00</b>	<b>R3.00</b>	<b>R1.00</b>

9.1 **Chaza kutsi kungani kunendali lenkhulu kaMazitapele?**

9.2 Ligama lesitolo lesinendali ku ...

9.3 **Bhala ugcwalise emalebuli esikhangisi**

<b>Ka Mazitapele</b>		
<b>Indali lenkhulu !</b>		
<b>Tinsita tekufundza tishiphiwe</b>		
<b>Buya utibonele! Mhlaka 1 – 30</b>		9.3.1
<b>Emabhuku</b>	9.3.2	<b>Emarula</b>
<b>R5.00</b>	<b>R3.00</b>	9.3.3

9.4 **Bhala imisho le-3 - 4 mayelana nesikhangisi.**